

VOLONTIRANJE

Povodom 5.12. – Međunarodnog dana volontera učenici naše škole su, početkom mjeseca decembra, realizovali projekte, radionice, prezentacije i niz drugih aktivnosti te tako pokazali da volontiranje može doprinijeti pozitivnim promjenama u ljudima, zajednici i društvu.

Projektni rad i radionice

Učenici IV 1 ekonomske škole, u saradnji sa nevladinom organizacijom „Omladinska banka“ i tuzlanskom organizacijom „Revolt“, uspješno su realizovali projekat i radionice na temu „Pronađi sebe kroz volonterizam“ gdje su upoznati sa volontiranjem, građanskim aktivizmom te načinom kako i sami učenici mogu pokrenuti aktivizam u svom gradu.

Prezentacije i radionice održane su u Plavoj sali Doma kulture Srebrenik i amfiteatru naše škole, pod mentorstvom profesorice Suvade Osmanović.



Prezentacije učenika i aktivnosti – volontiranje

Učenici ekonomske škole, poslovno-pravnih tehničara, frizerke i ugostiteljske struke realizovali su niz aktivnosti povodom Međunarodnog dana volontera.

Učenici ekonomske škole i poslovno-pravnih tehničara prezentovali su rad u vlastitom virtualnom preduzeću, obavili volontiranje u Centru za strane jezike „Educa“ I promovisali volonterizam putem promotivnih letaka i referata učenicima naše škole.

Predstavljanje rada proizvodnog sektora, odnosno gotovog proizvoda - slatkiša, odradili su učenici ugostiteljske škole, a frizerska škola je otvorila svoja vrata našim učenicima kroz usluge šišanja, feniranja, farbanja, šminkanja i geliranja noktiju.

Cilj i važnost ovih aktivnosti, kao i volontiranja, jeste poticanje aktivne uloge mladih u društvenoj zajednici, koji će prepoznati potrebe zajednice i na njih odgovarati konkretnim akcijama te na taj način doprinijeti boljem i pravednijem društvu.

Profesori mentori: Elvira Suljkić, Suada Hairlić, Ajsela Mutapčić, Nirmela Halilović, Adela Mehmedović, Amira Jukić, Elma Kešetović i Zuhdija Bećirović.

